

Past.
1089



597.6

M. 11520

Eine Heerpredigt widder den Türcken.

Martinus Luther.



Se wol ich ynn meinem
büchlin vom Türcken kriege/ fast ge-
nugsam vnterricht gethan habe/ mit
welcherley gewissen vnd weise (wo
sichs begeben) der krieg widder den
Türcken solt für zu nemen sein/ Doch
habe ich bey meinen lieben deutschen die gnade/ das
sie mir widder glauben noch zu hören/ bis das sie zu
lange harren/ vnd der glaube ynn die hand kömet/
vnd denn widder hülffe noch rat da ist/ gleich wie
dem volck Israel auch geschach/ das sie die Prophe-
ten (als .i. Regum vltimo siehet) so lange ver-
achten/ das zu letzt auch kein rat noch hülffe mehr
da war. Eben so ist vns itzt auch gangen/ Nie-
mand wolt glauben/ was ich vom Türcken schreib/
bis das wirs nu mit so grossem iamer erfahren/ vnd
so viel tausent menschen/ ynn so wenig tagen/ erwür-
get vñ weg geführt gesehen haben/ Das wolten wir
haben/ Vnd hette nicht Gott wunderlich vnd so vn-
nersehens vns geholffen/ So solten wir erst ein rech-
ten iamer ynn deutschen landen erfahren haben.

• Vnd kenne ich recht meine lieben deutschen/ die
vollen ferwe/ so sollen sie wol/ yhrer weise nach/ sich
widderumb nidder setzen/ vnd mit guttem mut ynn

Al ij

aller



aller sicherheit/ zehen vnd wol leben/Vnd solcher
grossen gnade erzeigt/gar nicht brauchen/sondern
mit aller vndanckbarkeit vergessen/Vnd denken/
ha der Türcke ist nu weg vnd geflohen/Was wollen
wir viel sorgen vnd vnnütze koste drauff wenden?
Er kömpt vielleicht nymer mehr widder/Auff das
wir ia vnser wol verdiente straffe von Gott redlich
empfaben/Wolan ich kan doch nicht mehr thun/
Do ich anzeigt/man solt des Türcken gewalt nicht
verachten/Ey das war ein spöttische vnd nichtige
rede/Da waren viel Fürsten mechtiger denn er/Ich
solte die deudschen fürsten nicht so schrecken noch
verzag machen/Las nu die selbigen geffterer er-
treten/vnd die fürsten trösten/vnd des Türcken
macht verachten.Ich meine ia/der Türcke habe sie
zu lügenern/vnd mein wort war gemacht.

• Aber doch vmb der gotlosen vnd Christus leste-
rer willen/nichts angefangen/also auch vmb ybrer
willen nichts gelassen.Es haben könye vnd fürste-
en/Bischoff vnd pfaffen bis her das Euangelion
veragt vnd verfolget/viel bluts vergossen/vnd den
dienern Christi alle plag vnd vnglück angelegt vnd
ist die lesterung vñ schmach/auch widder die offent-
liche erkante warheit/so vber die massen schendlich
gros gewesen/vnd das volck so vber aus böse vnd
mutwillig/das ich hab weissagen müssen/Deudsch
land müsse ynn kurtz Gott eine torheit bezalen.
Dasselbige gebet itzt daher/vnd sehet an/Gott hel-
ffe vns vnd sey vns gnedig/Amen. Denn weil sie
widder Christum so trefflich zornig vnd böse sind/
das

das sie sein wort vnd diener vberbösen/Vnd er mus
leiden vnd schwach gegen sie sein/So thut er war-
lich recht nach dem sprich wort Es ward nie keiner
so böse/Es kam noch ein böser vber yhn vnd zeucht
ab/lest sich vber bösen/Schicket aber an solche böse
zornige innckern/nach einen bösem/den Türcken/
Wil zusehen/weil sie ia böse sein wollen/welcher hie
den andern vber bösen werde/Sey nu böse/wer bö-
se sein kan/itzt gilt bösens/vnd vber bösens.

• Solchs wil ich gesagt haben/widder die vn-
puffertigen/starrige feinde vnd verfolger des worts
Christi/Aber weil dennoch viel ynn deudschen lan-
den sind/die das wort lieben/vnd Christus on zwey-
ffel/nicht ein geringe zal glieder drynnen hat/vmb
der selbigen willen/sol diese heerpredigt aus gehen/
sie zu trösten vnd zuermanen/ynn diesen greulich-
en ferlichen leufften/Denn der teuffel sucht durch
seinen zeng den Türcken/freilich nicht allein die welt
liche herschafft/Sondern auch das reich Christi/
vnd seine heiligen vnd glieder/vom glauben zu sto-
ssen/wie Daniel sagt/am siebenden Capittel. Dar-
vmb wil ich diese predigt ynn zwey stück teylen/zu
erst/die gewissen vnterrichten/darnach auch die
faust vermanen.

• Das gewissen zu vnterrichten/dienet wol zur-
sachen/das man gewis sey/Was der Türcke sey/
vnd wo für er zurhalten sey nach der schrift/Denn
die schrift weissagt vns von zweyen grausamen
Tyrannen/welche sollen für dem iüngsten tage die
Christenheit/verwüsten vnd zurstören/Einer geist-
lich

Diese brüder vns zu fromm sein zu machen.

Daniel. 11.
ij. Cap. ij.
 lich mit listen odder falschem Gottes dienst vnd lere/
 widder den rechten Christlichen glauben vnd Euan-
 gelion/Danon Daniel schreibt am eylfften Capit.
das er sich sol erheben vber alle Götter/ vnd vber alle
le Gottes dienst 2c. Welchen auch Sanct Paulus
 nennet den Endchrist/ ynn der ander Epistel/ zu den
 Thessalon. am andern Capit. Das ist der Babst
 mit seinem babstum/ danon wir sonst gung geschrie-
 ben. Der ander/ mit dem schwerd leiblich vnd eusser-
 lich auff's greulichst/ danon Daniel am siebenden
 Capit. gewaltiglich weissagt/ Vnd Christus Mat-
 thej am vier vnd zwentzigsten Cap. von einem trüb-
 sal/ des gleichen auff erden nicht gewest sey/ das ist
der Türcke/ Also mus der teuffel/ weil der welt ende
 fürhanden ist/ die Christenheit zuuor/ mit beyder sei-
 ner macht auff's aller greulichst angreifen/ vnd
 vns die rechte letze geben/ ehe wir gen himel faren.

Wer will ein
Christ sein
 Wer nu ein Christen wil sein/ zu dieser zeit/ der
 fasse ein hertz/ ynn Christo/ vnd dencke nur nicht hin
furt auff fride vnd gutte tage/ Die zeit solcher trüb-
 sal vnd weissagung ist da/ desselbigen gleichen vnser
 trotz vnd trost/ auff die zukunfft Christi/ vnd vnser
 erlösung ist auch nicht fern/ sondern wird flugs
 drauff folgen/ wie wir horen werden/ Darumb so
 halt feste vnd sey sicher/ das der Türcke gewislich
 sey der letzte vnd ergeste zorn des teuffels widder
 Christum/ damit er dem fast den boden aufstösset/
vñ seinen grym gantz ausschüttet/ widder Christus
 reich/ Dazu auch die grössste straffe Gottes/ auff
 erden vber die vndanckbarn vñ gotlosen verachter/
 vnd

vnd verfolger Christi vnd seines worts/ Vnd on
 zweiffel der vorlauff der hellen vnd ewiger straffe/
 Denn Daniel sagt/ das noch dem Türcken flugs
 das gericht vnd die helle folgen sol/ Vnd man sibets
 auch zwar/ wol an der that/ wie greulich er die leut/
kind/ weiber/ iung vnd alt erwürget/ spießet/ zu ha-
cket/ die yhm doch nichts gethan/ vnd so handelt/
als sey er der zornige teuffel selbs leibhaffig/ Denn
 nie kein königreich also getobet hat/ mit morden vnd
 wüeten/ als er thut. Wolan wir wollen das hie von
 dem Propheten Daniel hören.

1 Vier keiserthum hat Daniel beschrieben/ die
 auff erden komen sollen/ ehe der welt ende keme/ wie
 wir lesen/ Danielis am siebenden Capitel.

2 Das er vier grosse thier sahe aus
 dem meer steigen/ das erst/ war glei-
 ch einer Lewin/ vnd hatte adellers
 flügel/ Das ander war gleich einem
 Beren/ vnd hatte drey rigen zeene
 ynn seinem maule/ Das dritte/ war
 gleich einem Parden/ vñ hatte vier
 flügel/ vnd vier köpffe/ Das vierde
 war ein grausam/ vnd wunderlich
 thier/ vnd seer starck/ vnd hatte gro-
 se eiserne zeene/ damit es fras vnd
 vmb

vmb sich reis/vnd was vbrig bleib/
 das zutrats mit seinen füßen/ Vnd
 hatte zehen hörner/. Ich sahe die
 hörner an/vnd sihe/zwischen den
 selbigē wuchs ein ander klein horn/
 fur dem selbigen wurden drey der
 ersten hörnen abgestossen/vnd das
 selbige horn hatte augen/wie men-
 schen augen/vnd sein maul redet
 gewlich ding/ Ich sahe zu/bis stüle
 gesetzt wurden/Vnd der Alte sich
 setzet/Das gericht ward gehalten/
 vnd die bücher auff gethan/ Ich sa-
 he zu/vmb der gewlichen rede wil-
 len so das horn redet/Vnd ward ge-
 war/das das thier getodtet war/vñ
 sein leichnam umbkomen/vnd vns
 feur geworffen war zuuerbrennen/
 Vnd der andern thier gewalt auch
 auffgehoben war.

Das

Das ist der text Daniel/auffs kürzest erzelet/
 so viel vns itzt not ist/ In die auslegung folget vn-
 selbigen capitel hernach/da er spricht/ Ich trat zu
 einem der da bey stand/vnd fraget yhn vmb das al-
 les die warheit/Vnd er lege mirs aus/vnd leret mich
 also. Diese vier grosse thier/sind vier keiserthum/
 die auff erden komen sollen/Aber die heiligen des
 Döbisten werden ynn ewigkeit das reich besitzen/
 Darnach hette ich gerne gewußt/was das vierde
 thier were/das so fast grausam/was das vierde
 ne zent vnd pfoten hatte/vnd fras vnd reis/vnd das
 vbrige mit füßen zutratt/Vnd was die zehen hörner
 auff seinem kopffe weren/Vnd was das ander horn
 were/für welchem drey hörner gefallen waren/Vñ
 von dem selben horn/das augen hatte/vñ ein maul/
 das gewliche ding redet/vnd war grösser denn die
 andern/ Ich sahe zu/vnd sihe/das horn streit wid-
 der die heiligen/vnd sieget yhn an/bis der Alte kam
 vnd hielt gerichte mit den heiligen des Döbesten/
 vnd die zeit kam/das die heiligen das reich besaßen.

Vnd er sprach also/Das vierde thier wird das
 vierde keiserthum sein auff erden/Welchs wird grö-
 sser sein/denn alle königreiche/vnd wird alle land
 fressen/zutreten vnd zu malmen/Die zehen hörner
 sind zehen könige/so zu solchem keiserthum gehören
 Vnd nach dem selbigen/wird ein ander auff komen/
 der wird mechtiger sein/denn die ersten/vnd wird
 drey könige demütigen/Vnd wird widder den Dö-
 besten reden/vnd die heiligen des Döbesten zutret-
 ten/Vnd wird sich vnterstehen/ordnung vnd gesetz

B

zu

zu endern/ Vnd sie werden ynn seine hende gegeben werden/ eine zeitlang/ vnd aber etliche zeit/ vnd noch ein wenig zeit/ So wird denn das gericht gehalten werden/ das die gewalt auffgehaben werde/ vnd zu brochen/ vnd endlich vmb kome/ Aber das reich/ gewalt vnd macht/ so vnter dem gantzen hymel ist/ werde gegeben/ den heiligen des aller Hohesten/ Welchs reich ist ewig/ vnd alle Könige werden yhm dienen vnd gehorsam sein.

• Diese weissagung Danielis/ ist eintrechtiglich von allen lernern ausgelegt/ von den vier folgenden kaiserthum/ Das erst/ das kaiserthum zu Assyrien vnd Babilonien/ Das ander/ das kaiserthum der Persen vnd Meden/ Das dritte/ das kaiserthum/ des grossen Alexanders vnd der Kriechen/ Das vierde/ das Römische kaiserthum/ welchs das grösste/ gewaltigst vnd grausamest/ dazu auch das letzte ist auff erden/ wie hie Daniel klerlich zeigt/ das nach dem Vierden thier odder kaiserthum/ das gericht folget/ vñ kein ander kaiserthum mehr/ sondern das reich der heiligen das ewig ist &c. Weil denn nu das gewis ist/ vnd keinen zweiffel hat/ das auff erden sol das Römisch reich das letzte sein/ wie auch ym andern Capitel Daniel zeigt/ ynn dem grossen bilde odder feulen/ die einen gilden kopff/ sylbern brust/ ehern huffte/ vnd eysern schenckel hatte/ So mus das draus folgen/ das der Türck ym Römischen kaiserthum sein wird/ vnd ym vierden thier mus begriffen sein/ Denn das ist beschlossen/ weil das Römisch kaiserthum/ das letzte ist/ So wird vnd kan

kan der Türcke nymer mehr so mechtig werden/ als das Römisch reich gewesen ist/ sonst würden nicht vier/ sondern funff kaiserthum auff erden komen/ Darumb mus der Türcke kein kaiser werden/ noch ein new odder eigen kaiserthum auffrichten/ wie ers wol ym syn habet/ Aber es wird vnd mus yhm gewislich seyn/ odder Daniel würde zum lügenen/ Das ist nicht möglich

• Weil aber zu dem der Türcke/ dennoch so gros vnd mechtig ist/ vnd ym Römischen reich sitzen sol/ müssen wir yhm ynn dem selbigen suchen/ vnd vnter den hörnern des vierden thiers finden/ Den es mus ein solch gewaltig ding ynn der schrift verkündigt sein. Wolan/ Dorn heist ein königreich ynn der schrift/ wie hie Daniel selbs sagt/ das die zehen hörner zehen Könige sind/ die zum vierden kaiserthum gehören/ So kan nu der Türcke/ keines der selbigen zehen sein/ denn die selbigen hörner sind die königreich/ so zum Römischen kaiserthum gehöret haben/ da es ynn seiner vollen macht gestanden ist/ als nemlich/ Hispanien/ Franckreich/ Italia/ Africa/ Egyptus/ Syria/ Asia/ Greta/ Dentschland &c. Solch land haben die Römer alle gehabt yn voller macht/ ehe denn der Mahometh odder Türck ist komen/ So spricht nu Daniel/ das nach solchen zehen hörnern/ erst kompt das kleine horn/ zwischen den zehen hörnern/ Die kompt vnd findet sich der Türck/ Denn gleich wie das kleine horn/ vnter den zehen auff wechset/ vnd stösset der selbigen drey weg/ Also mus sie ia komen ein königreich/ das ynn den ehgenannten lenden vnd königreichen des vierden thiers odder

B ij der

Das fünfte Buch. Was auff erden dz letzte sein

der keyserthums wiche/ vnd der selbigen drey ge-
winne/ Solchs alles zeigt vnd bezeugt auch das
werck/ vnd stymmet mit dem Text/ das der Maho-
meth dasselbige kleine hörn sein mus/ Denn er ist
von geringem anfang auff komen/ Er ist aber also
gewachsen/ das er drey hörner ym Römischen key-
serthum hat abgestossen vnd eingenomen/ nemlich/
Egyptum/ Griechland vnd Asiam/ Denn der Sol-
tan vnd Sarracener haben lange zeit dieser hörner
odder königreich zwey ynnen gehabt/ Egypten vnd
Asiam/ vnd sind also drinnen blieben sitzen/ wie auch
der Türck drinnen sitzt auff den heutigen tag/ vnd
hat das dritte horn/ Griechland dazu gewonnen/
Solchs hat sonst neimand gethan/ vnd wir sehens
da für augen stehen/ das geschehen ist/ Das ist/ Ma-
homeths reich/ da haben wir das kleine horn gewis.

Ob nu wol der Türcke den Soltan veriaht vnd
solche lender eingenomen/ vnd seinen hoff odder sitz
anders wo hellt/ denn der Soltan thet/ ist darumb
kein ander odder new reich/ sondern eben dasselbige
Mahomeths reich/ Denn beyde Soltan vnd Türck
des selben vnd gleich eines glaubens sind/ nemlich/
des Mahomeths. Das aber einer den andern ver-
iaht/ ist auch wol fast ynn allen keyserthumen ge-
schehen/ das ein bruder den andern veriaht/ ein
ambtman seinen herrn vertrieben hat/ Wie geschä-
chs ynn Persen/ da sie den keyserlichen sitz vnd hoff
aus Medien ynn Persien versetzten/ bleib dennoch
gleichwol dasselbige keyserthum/ Vnd das keyser-
thum zu Assyrien von Ninive gen Babylon/ Vnd
das

das Römisch von Rom gen Constantinopel versetzt
ward/ also ist auch itzt das Mahomeths reich von
Alkayr gen Constantinopel versetzt/ mit dem hofe
lager/ Aber ist gleich wol dasselbige Reich des Ma-
homeths blieben/ Denn person vnd hofelager müs-
gen sich ynn eym reich wol endern/ das dennoch
das reich für sich selbs bleibe/ ynn seiner weise/ regie-
ment/ glaube vnd allem wesen.

So wir nu das selbige kleine horn/ den Maho-
methen vnd sein reich hie gewislich haben/ So kön-
nen wir nu leichtlich vnd klerlich aus Daniel ler-
nen/ Wo für der Türcke vnd das Mahometisch reich
zu halten sey/ Vnd auch/ was er für Gotte gelte/
Erstlich sol er wol ein mechtiger herr sein/ als der
dem Römischen reich/ drey hörner/ das ist/ drey fast
die besten königreich/ als Egypten/ Gretiam/ Asi-
an/ abgewinnen vnd behalten/ vnd damit Mechtig-
ger sein/ denn keines vnter den zehen hörnern ist/
Das ist der klare text/ Vnd findet sich also ym wer-
ck/ Denn kein könig/ so vnter den Römern gewest/
als Frankreich/ Hispanien/ Welschland/ Dentsch-
land etc. so mechtig ist/ als das Türckisch odder Ma-
hometisch reich/ das der Türcke itzt hat/ Vnd sitzt al-
so fast mitten ym Römischen Reich/ ia ynn des Römischen
keyserers hause zu Constantinopel/ wie das
kleine horn vnter den zehen hörnern ym vierden thier
bedeutet.

Zum andern hat das horn/ Menschen augen/
das ist/ des Mahomeths Alkoran odder gesetz/ da-
mit er regirt/ Inn welchem gesetz ist kein Göttlich
auge/ sondern eitel menschliche vernunft/ on Got-
tes wort

Das Mahomeths Alkoran ab-
geschriben.

Das Buch Mahomeds
 tes wort vnd geist / Denn sein gesetz leret nichts anders / denn was menschliche witz vnd vernunft wol leiden kan / Vnd was er ym Euangelio funden hat / das zu schwer vñ hoch zu glauben gewesen / das hat er ausgethan / sonderlich aber das Christus Got sey / vnd vns erlöset hat mit seinem todte &c. Das meinet Daniel / da er des horns auge deutet vnd spricht / Er wird sich vnter stehen / gesetz vnd ordnung zu endern / vernym / Gottes ordnung / als das Euangelion vnd Christliche lere.

• Zum dritten / hats ein man das redet gewolliche ding / das sind die grausamen lesterungen / damit der Mahometh Christum nicht alleine verlencket / sondern auch gantz auff hebt / Vnd gibt für / Er sey vber Christum / viel höher vnd würdiger für Gott denn alle engel / alle heiligen / alle Creaturen / dazu vber Christum selbst / wie das yn seinem Altkoran klerlich stehet / vnd die Türken teglich rühmen / vnd yhe lezger yhe gewollicher solche lesterung treiben vñ vben / Darumb spricht hie Daniel von dem selbigen horn vnd deutet desselbigen grossen man. Er wird wider den Dhesten reden / das ist / wider Christum leren / yhn lesteren vnd schenden / damit / das er yhn nicht für den höchsten / sondern für einen schlechten / vnd viel geringern propheten hellt / denn sich selbst / vnd spricht / Christus lere habe ein ende / da Mahometh komen sey.

• Zum vierden / das er wider die heiligen des höchsten krieg faret / Dis darff ja keiner glosen / Ich meine / wir habens bisher wol gesehen vnd gefüet / Denn

Rein vort ist er für den Christen
 Denn der Türke keinem volck so feind ist auff erden / als den Christen / Streit auch wider niemand mit solchem blutdurst / als wider die Christen / auff das er diese weissagung Danielis erfülle. Daniel aber heist / die Christen / heiligen des höchsten / Denn ob wol viel falscher Christen sind vnter dem hauffen / Weil aber das Euangelion vnd Sacrament / von Christo befolhen / ynn einem lande bleibt / so sind gewislich ynn dem selbigen lande viel Christen / Vnd wie wenig der selbigen ist / so wird doch dasselbige land / vmb yhrs glaubens / predigens vnd Euangelions willen / Ja vmb Christus willen / welchs name / wort / geist / Sacrament daselbst ist / Christen land vnd rechte heiligen Gottes genand / Darumb auch noch ynn der Türke viel Christen sind / Vnd villeicht mehr denn sonst ynn einem lande / als die da gefangen sind vnd dem Türken dienen müssen / der sie gewonnen hat / wie Daniel hie saget / das er siegen solle wider die heiligen / vnd vber sie herrschen.

• Gleich wie zur zeit Elias des propheten ym volck Israel geschach / Da so viel böser vnd wenig frommer leute waren / das Elias selbst meynet / Er were allein / vnd wünscht darumb tod zu sein / Aber denn noch wol sieben tausent funden wurden / die Gott yhm behalten hatte from vnd heilig / Vmb welcher willen / dennoch / das volck Israel Gottes volck vnd Gottes heiligen hießen / als bey welchen sein name / wort vnd geist wonete / Wie ist auch vnd bisher vnter dem Baptum geschehen / da es auch alles also gar ist verderbet gewesen / mit menschen leren vnd werken /

wercken/das man schier keine Christen mehr gesehen hat/Aber dennoch haben etliche da müssen sein/weil Christus name/Euangelion/Sacrament blieben ist/Umb welcher willen/auch das gantze land/der Christen land/vnd sie die Christenheit odder Christus volck vnd Gottes heiligen heissen/Denn Paulus sagt.i. Thess. iij. Der Endchrist der Bapst solle ym tempel Gottes sitzen. Tu ist der Tempel Gottes/die Christenheit odder die heiligen Gottes/wie Daniel redet.

Der Türke
Auch so mus man ynn diesem spruch Danielis mehr achten vñ richten nach des Türcken meinung vnd willen/denn nach der Christen zal/Denn der Türcke hellt hie keine rechnung noch vnterscheyd/wie viel odder wenig heiliger Christen vnter vns seyen/Er hellt einen wie den andern/achtet vns alle für Christen/wie denn der name Christus vns allen gemein ist/Denn er ist dem Christlichen namen feind/den selbigen wolt der teuffel gerne vnterdrücken mit dem schwerd des Mahomeths/wie er denn auch mit falscher lere bey vns den selbigen vnterdrückt/Vnd wil sich also an vnserm Herrn Christo rechnen/Also wil Daniel sagen/Das nach des Türcken gewissen vnd meinung alles Christen (das ist heiligen Gottes) sind/die er bekriegt/Vnd hellts dafür/das kein erger volck auff erden sey/denn die Christen/Darumb nennen vns auch die Türcken nicht anders/denn Paganos/das ist/heiden/Sich selbst aber halten sie für das heiligste volck auff erden.

Das funfft/das er (wie gesagt) glück hat ym Kriegen

Der Türke hat glück im Kriegen
Kriegen widder die Christen vnd gemeinlich obliegt vnd den sieg behelt/Vnd dasselbige stück macht auch die Türcken/so stolz/verstockt vnd sicher ynn yhrem glauben/das sie gar nicht zweifeln/yhr glaube sey recht/vnd der Christen falsch/als den Gott so viel sieg gibt vnd die Christen also verlesst/Wissen aber nicht/das hie ym Daniel also zu vor verkündigt ist/das die Christen umb yhrer sünde willen hie auff erden gestrafft/vnd die vnschuldigen zu Merterer gemacht werden/Denn Christus mus Merterer haben/Darumb hat er allezeit die seinen lassen leiblich vnterliegen vnd schwach sein/Widderumb seine feinde obligen vnd mechtig sein/Auff das er die seinen fege vnd reinige/darnach seine feinde/wenn sie wol angelauffen vnd auffss höchste komen sind/heym suche mit dem hellischen feure ewiglich/Solch vnteil vnd weise wissen die blinden vnsinnigen leute nicht/Vnd meinen/weil sich Christus so schwach stellet/Es sey kein volck auff erden angenehmer denn sie/Aber gar weidlich lauffen sie an/vnd wird sich das spiel plötzlich wenden/ehe sie meinen/wie folgt.

zum Sechsten
Zum Sechsten/sol flugs auffss Türcken reich vnd wueten/der iüngst tag vnd das reich der heiligen komen/Wie Daniel hie spricht/das des horns krieg vnd sieg sol weren/bis der Alte kome vnd setze sich zu gericht/Solch dreyen vnd schrecklich gericht glauben die Türcken auch nicht/das Gott damit vns erlösen/vnd sie ynn die helle stossen wird/Wie lange aber das weren solle/das er so sighafft sey/

Der Türke hat uns mit andersz für den Paganos

Mark. xxiii.

kan niemand wissen / Denn Christus sagt / das von dem tage niemand wissen solle / on der Vater alleine / wie denn hie Daniel auch mit tunceln Worten sagt / Sie werden ynn seine hende gegeben eine zeit lang / vnd aber etliche zeit / vnd noch ein wenig zeit / So wird denn das gericht gehalten werden.

¶ Aus dem es scheint / das des Türcken reich von hymel gestörtzt werden sol / Vnd kein König kommen werde / der yhn vnterdrücke vnd mechtiger werde nach yhm / wie auch Daniel hie sagt / das der leib des vierden thiers nach dem grossen leßtern des kleinen horns yns feur sol geworffen werden zunerbrennen. So stehet ia auch ym Apocalypsi am zwentzigsten / das der Gog vnd Magog / solle durchs feur vom hymel verzert werden / Eben dasselbige schreibet auch Ezechiel am dreyßigsten capitel / das Gott wolle feur vnd schwefel vber Gog vnd Magog regenen lassen vnd vber yhr heer / Tu ist kein zweifel / Gog / sey der Türcke / der aus dem land Gog odder der Tattern komen ist ynn Asian / wie die historien beweisen.

¶ Weil aber dennoch Christus hat zeichen gegeben / da bey man kennen sol / wenn der iüngst tag nahe sey / vnd dem nach / wenn der Türcke ein ende haben werde / So können wir sicherlich weisagen / das der iüngst tag müsse für der thür sein / Denn weil Daniel hie sagt / das ym vierden thier das kleine horn solle das mechtigste vnd letzte sein / Vnd wir sehen offentlich / das ynn des Römischen reichs leztern kein mechtiger ist / denn der Türcke / vnd nach yhm

Gog. Nr. der Türck

yhm keiner mehr komen wird / so ist die schrift des Türcken halben schon erfüllet / Denn / Er hat die drey hörner weg (wie gesagt) Vnd Daniel gibt yhm kein horn mehr / Dem nach ist zu hoffen / das der Türcke hinfurt kein land des Römischen reichs mehr gewinnen wird / Vnd was er ynn Hungern vnd Deudschen landen thut / das wird das letzte gekretze vnd gereuffe sein / das er mit den vnsern vnd die vnsern mit yhm haben werden / Vnd damit ein ende / also das er Hungern vnd Deudsche land wol zausen mag / aber nicht rügelich besitzen / wie er Asia am vnd Egyptum besitzt / Denn Daniel gibt yhm drey hörner vnd nicht mehr / zwackt vnd reisset er et was den grentzen vnd nachbarn abe / das sey sein schlaff trunck zu guter nacht.

¶ Darumb der krieg vnd sieg des Mahomeths / dauon Daniel sagt / ist am meisten geschehen vnd erfüllet / ynn Asia / Bretia / Egypto / Vnd wird also ein ende nemen / wenn er am aller mechtigsten vnd auff's aller best gerüst ist / das er gleich sicher daher schwebt vnd feret / als dem nu niemand weren noch widderstehen könne / vnd noch viel land zu gewinnen gedencet / Eben wenn das selb stündlin kommen wird / das er so viel noch thun wil / vnd trotzig vnd gyrig sein wird. Da wird Christus mit schwefel vnd feur vber yhn komen / vnd fragen / warumb er seine heiligen / die yhm kein leid gethan / on alle Ursache / so grewlich verfolget vnd geplagt habe / Allen. Denn die schrift ist alle erfüllet / So sind d iese zeit her so viel zeichen geschehen / Vnd ist so gros lie

C ij cht des

Der Turck ist ein feinder Christen. Und ein lesterer Christ

cht des Euangelij für handen/dazu solch gros les
stern/mutwillen/freuel/yinn der welt/als nie ge
west/auch nicht erger sein künde./Es mus brechen
vnd ein ende haben.

¶ Bis her haben wir nu gesehen/Wo für der
Türcke vnd sein Mahometisch reich zu halten sey/
nach der heiligen schrift/nemlich/das er sey ein
feind Gottes vnd ein lesterer vnd verfolger Christi
vnd seiner heiligen/durch schwerd vnd streit/also
das er gleich darauff gericht vnd gestüfft ist/mit
schwerd vnd kriegem/widder Christum vnd die sei
nen zu wüeten./Denn ob wol andere könige vorzeit
ten auch haben die Christen verfolgt mit dem sch
werd/so ist doch yhr reich vnd regiment nicht drauff
gestüfft vnd gericht gewesen/das sie Christum lesteren
vnd bekriegen sollen/sondern geschicht zufalls aus
eynem misbrauch./Wats ein könig verfolgt/
So ist ein ander könig hernach gut gewesen/vnd
hats lassen gehen./Das also/nicht die königreiche
odder regiment an yhn selbst widder Christum ge
strebt/sondern die personen/so das regiment gehabt
haben/sind zu weilen böse gewesen./Aber des Ma
homets schwerd vnd reich an yhm selber/ist stracks
widder Christum gericht/als hette es sonst nichts
zu thun/vnd könne sein schwerd nicht besser brauch
en/denn das er widder Christum lesteret vnd streitet/
wie denn auch sein Altkoran vnd die that dazu be
weisen.

¶ Aus dem kan nu ein iglicher sein gewissen rich
ten vnd versichern/wo er zum streit widder den Tür
cken gefoddert wird/wie er gedenccken vnd sich hal
ten

Was sich inner der welt der Turck thut

ten sol./Nemlich/das er keinen zweifel haben sol/
Wer widder den Türcken(so er krieg ansehet) streit/
das er widder Gottes feind vnd Christus lesterer/
ia widder den teuffel selbst streit./Also das er sich
nicht besorgen darff/ob er etwa einen Türcken er
würgt/das er unschuldig blut vergiesse odder einen
Christen erwürge./Sondern gewislich erwürget er/
einen feind Gottes vnd lesterer Christi/als den Got
selbs durch die schrift Danielis für einen feind
Christi vnd seiner heiligen/zum hellischen feur ver
urteilt hat./Darumb auch kein Christen noch Got
tes freind ynn des Türcken heer sein kan/er ver
leugne denn Christum vnd werde auch Gottes vnd
seiner heiligen feind/sondern sind alle des teuffels
eigen/vnd mit dem teuffel besessen/wie yhr herr
Mahometh vnd der Türkisch kaiser selbst./Denn
du must die wort Danielis wol fassen vnd mercken/
da er dem kleinen horn das lestermaul widder Gott
vnd den streit widder die heiligen Gottes zu schreibt/
Welche wort nichts guts/sondern alles vbel vnd
bosheit vom Türcken odder Mahometh zeugen.

¶ Darumb hab ich ym vorigen büchlin auch so
trewlich geraten./Das man nicht solle widder den
Türcken kriegem/als vnter der Christen namen/noch
mit streit angreifen/als einen feind der Christen/
Denn hie hörestu/das dem Mahometh odder Tür
cken der sieg widder die Christen vnd heiligen ver
kündigt ist/wie denn bisher geschehen ist/yinn den
drey hörnern/die er abgestossen hat/das ist/yu Gre
tia/Asia/Egypten/Christus wil schwach sein/vnd
leiden.

E iij

1. 40. 1.

leiden auff erden mit den seinen/auff das er die gewaltigen zu narren vnd zu schanden mache / vnd branche yhres wüetens dazu/das sie yhm (wie wol vnwissend) den hymel voll Merterer vnd heiligen machen/da mit sein reich beste ehe vol werde/vnd er zu gericht kome vnd den tyrannen yhren lohn gebe/ehe sie sichs versehen.

Sondern so hab ich geraten vnd rate noch also/das wol ein iglicher sich vleissig sol/ein Christen zu sein/willig vnd bereit zu leiden vom Türcken vnd yderman/Aber solle nicht streiten/als ein Christen odder vnter eins Christen namen/Sondern las seinen Weltlichen oberherrn kriegen/Vnter desselbigen panier vnd namen soltu reisen/als ein weltlich/er vntersass nach dem leibe/der seinem oberherrn geschworn ist/mit leib vnd gut gehorsam zu sein/das wil Gott von dir haben/zum Römiern am dreyzehenden/Titum am dritten capitel/Vnd sonderlich/wol solcher streit geschicht/nicht aus fürwitz/gut vnd ehre zu erlangen/sondern zu schützen vnd schirmen land vnd leute/weib vnd kind zc. wie dieser krieg ist widder den Türcken/Also lesen wir von den lieben heiligen S. Moritz vnd seinen gesellen vnd viel andern heiligen/das sie ynn streit gezogen sind/nicht als Christen/auch nicht widder die Christen/Sondern als vnterthenige gehorsame bürger odder ritter/gefoddert vnd beruffen von yhrem kaiser odder ander yhrer oberkeit/den sie mit leib vnd gut zu dienen schuldig waren/Vnd hies nicht ein Christen heer odder volck/noch ein Christen streit/Sondern des kaisers volck odder heer.

Sihe

Sihe/also stehet denn dein gewissen recht vnd sein/vnd kanst ein müthiger freydiger man sein/das solch hertz vnd mut/oh zweifel deinen leib vnd roß auch beste stercker machen wird/Denn du bist gewis/das du ynn deins oberherrn gehorsam vnd yn Gottes willen vnd befehl zuehst vnd streitest/der dir solche heersart aufflegt vnd von dir haben wil/So darffstu auch nicht sorgen noch fürchten/das du ynn der Türcken heer vnschuldig blut treffest/weil du hörest/das sie von Gott/als seine feinde/zum tode vnd zur hellen/verurteilt sind/Vnd gebeut dir/durch deinen oberherrn/das du solch vrtel/andem Türcken volbringen solt/vnd itzt deine faust vnd spies/Gottes faust vnd spies ist vnd heist/Vnd bist also Gottes des aller grösssten herrn/scharffrichter odder hencker/widder seinen grossen verdampften feind/Wie köntest du ehrlicher vñ löblicher streiten?

Gerets aber/das er dich ersticht odder erschleht/wie kanst du redlichs tods sterben/so du anders ein Christ bist? Denn/zum ersten stehet da Daniel vnd macht dich zum heiligen/da er spricht/Der Türcke streite widder Gottes heiligen/Das auff der Türcken vnd teufels seiten die fahr stehet/das er als ein mörder/eitel vnschuldig vñ heilig blut treffe/vnd so viel heiliger merterer mache/so viel er auff unser seitten erschlegt/Wie es denn gewis ist/das er eitel vnschuldig blut trifft/weil er die angreift/da er kein recht noch ursache zu hat/vnd oh befehl vnd not/solch morden für nympt/So ist auch gewis/das er viel merterer mache/(Denn es müssen Christen

Der Türke ist ein heiligmörder und merterer
 Christen drunder sein/wo der Türcke widerdiehei-
 ligen freit/als Daniel sagt/ vnd thut also denn der
 Türcke an dir/was Daniel von yhm sagt/nemlich/
 das er ein heiligen mörder vnd merterer mecher ist/
 Sum andern/steht da dein gut sicher gewissen/das
 du durch Gottes gebot/yhm deins oberherrn einfel-
 tigem gehorsam erfunden vnd erstochen wirst/Vnd
 wenns gleich zu wechseln sein solt/soltestu/hundert
 tausent mal lieber ein Christ/gehorsamer bürger
 odder ritter/vom Türcken erstochen sein wollen/
 denn des Türckischen keisers selbs sieg/mit alle sei-
 nem gut vnd ehre haben/Denn wie gesagt/du bist
 gewis ein heilige/wo du so thust/das du ein Christ
 bist vnd yhm gehorsam streitest/Der hymel ist dein/
 das hat keinen zweifel/Was ist aber des Türcken
 sieg vnd ehre/ia aller welt/gegen dem hymel vnd
 ewigem leben?

frag?
 Gedencet/wie woltestu thun/wenn du zur zeit
 der Merterer gelebt hettest/da dich auch die bösen
 keiser vnd tyrannen erwürget hetten/vmb Christus
 willen? Odder wie woltestu itzt thun/Wenn dich
 der Papst/Bischoff/vnser keiser odder tyrannen
 erwürgeten/vmb des Euangelions willen/wie dein
 vielen geschicht? Du müstest dennoch glauben/das
 sie dich zum heiligen vnd Merterer machten/Vnd
 gewis sein/das du yhm einem rechten stand vnd ge-
 horsam erfunden würdest/Was ist nu der Türcke
 anders/mit seinem streiten/denn ein solcher böser
 tyrann/der Gottes heiligen tödtet vnd zu merterer
 machet/ondas der Türke mit grosser gantzer macht
 on vnterlas solchs thut/vnd für allen andern viel
 mehr

mehr heiligen macht/wie sichs denn gebürt am en-
 de der welt/das der teuffel vnserm Herrn Christo
 ein gute reiche letze gebe/Lieber/Es ist ein trefflich
 gros wort/das Daniel sagt/Der Türcke solle nicht
 etliche einzelen heiligen Martern/wie ander keiser/
 sondern mit streit vnd aller macht/angreifen vnd
 sie vber weldigen/Wm streit aber müssen gar viel
 mehr heiligen vnterliggen/denn der einzelen mer-
 terer ist/die ausser dem streit hin vnd wider gemar-
 tert werden.

Wolte
den
nicht
hören
25
 So weistu ia wol/das du dennoch ein mal ster-
 ben mußt/vnd keinen tag noch stunde des todes
 sicher bist/Wie wenn denn solcher streit wider den
 Türcken/eben dein stündlin sein solt/vnd von Gott
 also verordnet were? Soltestu nicht lieber/ia dazu
 mit freuden/dich alda Gott ergeben/yhm einen sol-
 chen ehrlichen/heiligen todt(da du so viel Göttlich-
 er vrsachen/gebod vnd befelh hast/vnd sicher bist/
 das du nicht yhm deinen sünden/sondern yhm Got-
 tes gebot vnd gehorsam stirbest/villeicht yhm einem
 augenblick aus allem iamer kompst/vnd gen hymel
 zu Christo aufflengest/Denn das du auff dem bet-
 te müstest liegen/vnd dich lange/mit deinen sün-
 den/mit dem tod vnd teuffel reissen/beissen/kemp-
 fen/vnd ringen yhm aller fahr vnd not/vnd den-
 noch solche herrliche Gottes befelh vnd gebot nicht
 haben? Die stirbstu allein für dich selbst/vnd frisset
 dich ein anmechtige drus oder pestilenz dahin/Dort/
 spricht Daniel/sterben viel heiligen mit dir/vnd hast
 Göttliche/heilige/liebliche gesellschaften/die mit
 dir faren.

Sum-

dazu die lere vnd den namen Christi/als seyen die Christensolche böse/vntrewe/falsche leute/die nicht dienen/sondern entlauffen/vnd sich selbs entwenden wollen/als die schelcke vnd diebe/vnd werden da durch ynn yhrem glauben herter vnd verstockter/Widderumb/wo du trewlich vnd vleissig dienetest/würdestu das Euangelion vnd den namen Christi/schmücken vnd preisen/das dein herr/vnd villeicht viel ander/wie böse sie weren/sagen müsten/Wolan/Nu sind doch die Christen/ein trew/gehorsam/frum/demütig/vleissig volck/Vnd würdest dazu der Türcken glauben damit zu schanden machen/vnd villeicht viel bekeren/wenn sie sehen würden/das die Christen/mit demut/gedult/vleis/trew/vnd der gleichen tugenden/die Türcken so weit vbertreffen/Das meint S. Paulus da er Titum am dritten Capitel spricht/Die knecht sollen die lere vnser Herrn schmücken odder zieren ynn allen dingen.

Denn wie böse kans denn sein/einem Türcken odder heiden zu dienen? so fern du glenbig vnd ein Christ bist vnd bleibest/Mns doch hie bey vns mancher dienen/einem bubem/tyrannen odder bösen herrn/Ja wie müssen wir thun vnter dem Papstum/da vnser tyrannen/vns fangen/zwingen/verziagen/treiben/brennen/köpffen/erseuffen/vnd erzger mit vns handeln/desi die Türcken mit dir thun/Noch müssen wir/weichen/dulden/leiden/dienen/helffen/raten/beten/heben vnd tragen/Welchs du alles mit vns wagen vnd warten müstest/wo du mit

mit vns woltest ein Christ sein vnd Christum bekennen/Denn der Papst ynn dem stück viel erger ist/denn der Türcke/ Der Türcke zwinget doch niemant/Christum zu verleugnen/vnd seinem glauben anhangen/Vnd wenn er gleich auffs höhest würet/mit leiblich morden an den Christen/so thut er damit nichts (so viel an yhm ist) denn das er den hymel vol heiligen machet/Denn seine lesterung widder Christum/vnd sein eusserlicher heiliger schein/zwingen nicht/sondern versuchen vñ locken/Aber der Papst/eben damit/das er wil nicht feind noch Türcke/sondern der liebe Vater/ia der aller heiligst vater vñ aller treweste hirte/sein/füllet er (so viel an yhm ist) die helle mit eitel Christen/Denn er reisset die edlen seelen von Christo/durch seine lesterliche menschen lere/vnd füret sie auff eigen gerechtigkeit/welchs ist/das recht geistlich morden/vnd schier so gut/als des Mahomets odder Türcken lere vnd lesterung/Wo man aber yhm solcher hellischen teufflischen verfürungen nicht wil gestatten/nimpt er sich des Türcken weise auch an/vnd mordet auch leiblich/Vermöchte ers/on zweifel/er solt wol grösser mord vnd blut vergiessen anrichten/denn der Türcke/wie sie bis her wol beweiset haben/mit so viel kriegen/betzen vnd reitzen/vnter Keiser vnd Königen etc.

Summa/Wo wir hin komen/da ist der rechte wirt der teuffel da heym/Komen wir zum Türcken/so faren wir zum teuffel/Bleiben wir vnter dem Papst/so fallen wir ynn die helle/Eitel teuffel auff
D ij beiden

Mancherley
töde der
menschen

Summa/Wer kan allerley fahr des todes er-
zelen/darinn wir teglich schweben/zu wasser/zu
feur/zu feld/zu haufe/ynn der luft/auff erden/So
viel thier/so viel sencken/sind vmb vns/Der stellt
vom dach/der vom ros/der stellt ynn sein messer/et-
lich/hengen/erstechen/erschuffen sich selbst/ Der
kompt sonst/der so vmb/Der wird vmb gelts wil-
len/der vmb eins weibs willen/der vmb eins worts
willen/Ja etlich vmb wolthat willen/erschlagen/
So mancherley töde müssen wir teglich gewarten/
vnd wagens etlich mit freunden/da doch kein redlich
ursach noch Göttlich befehl ist/dazu die hinfart fer-
lich/vnd mislich ist/wie man dort ankome/Und
soltten vns hie so faul odder verzagt stellen/da wir
gewissen Gottes befehl vnd gefallen haben/vnser
oberkeit zu gehorchen mit leib vnd gut/Dazu so wir
Christen funden werden/gewis das ewige leben
mit den heiligen haben/Were doch solcher tod zu
suchen an der welt ende/wenn das stündlin da ist/
Vnd wer sich solchs nicht bewegen leßt/dem were
kein billicher fluch zu wünschlen/denn das er zum
Türcken siele vnd ein Türcke würde/des teuffels leib
eigen/wie sein herr der Türcke ist/von Gott zum to-
de vnd der hellen verdampt.

Solchs alles rede ich für die/so Christen sind
odder gerne weren/das sie wissen/wie sie sich zu die-
ser zeit richten vnd trösten sollen/das sie nicht zu spät
erschrecken für dem Türcken/nach für dem teuffel
seinem Gott/Denn wenn der Türcke die Christen
(so es möglich were) schon alzu mal fresse/hette er
damit

Der Türck muss ein feind sein der Christen

damit nichts gewonnen/denn das sein verdammnis
desse grösser würde vnd deste eilender keme/vnd die
Christen deste ehe gen hymel führen/Er sey so zornig
vnd wüetig/als er vmer wil/mit allen teuffeln dazu/
so mus er knecht vnd diener sein der Christen/Und
eben damit zu yhem besten helfen/damit er sie mey-
net zu verderben/Denn da stehet Daniel/vnd sprit-
cht/Es seyen heiligen/die er schlägt vnd würet/
So spricht S. Petrus/Und wer ist der euch schaz-
den kan/so yhr dem guten nach strebt? Dauid auch
ym hundert vnd funffzehenden Psalm/Du wickst
lich ist für dem Herrn der tod seiner heiligen/Und
ym ein vnd siebentzigsten Psalm/Und yhr blut ist
theur für seinen augen/Solche vnd der gleichen
tröstliche herrliche sprüche/machen ein solch vteil/
das der Türck sey ein heiligen mörder/vnd thu yhm
selbs damit den grösten schaden ewiglich/Widder-
umb/das sein zorn vnd morden/müsse hie zeitlich
dienen vnd helfen/den Christen zu grosser ewiger
herrligkeit/on seinen danck/on seinen willen vnd
wissen.

Wer teuffelt vnd mordet nu hie den andern am
besten? Der Türcke mordet die Christen zeitlich zum
ewigen leben/Aber eben ynn dem selbigen mordet er
sich selbst zum ewigen hellischen feur mit allen teu-
ffeln/Denn die Christen haben zu herrliche mecht-
tige sprüche/wie gehört/Und Daniel heisst sie heil-
igen/vnd den Türcken einen heiligen mörder/Da
wird er nicht viel an gewinnen/vnd die Christen ni-
cht viel verlieren/Aber so sol der Mahometh mit
den seinen bezalet werden/vnd die Christen an sich
D ij selbst

beiden seiten vnd allenthalben/So stehet es leyder
itz ynn der welt/vnd gehen die sprüche Christi vnd
S. Pauli ym vollem schwang/das ynn den letzten
tagen / sol ferliche vnd grausame zeit sein / da der
teuffel los worden / alle welt verführet / vnd solch
samer vnd not anricht/das kein Mensch künd selig
werden/wo Gott die selbigen tage nicht würde ver-
kürzen/vmb seiner außserweleten willen/Es nms
also gehen zur letze/das der teuffel die Christenheit/
mit aller macht / auff allen seiten angreiffe/beide
leiblich vnd geistlich/vnd sein bestes vnd höchsten
an yhr versuche/damit ein ende.

Darumb laßt vns wachen vnd wacker sein
ynn festem glauben an Christum/Vnd ein iglicher
halt sich vnter seiner oberkeit/gehorsam/vnd warte
was Gott machen wird/Vnd las gehen/was da
gehet/faren wie es feret/Es ist doch hinfurt nichts
guts mehr zu hoffen/Das töpffen ist zu brochen
vnd die suppen verschüt / wir mügen die scherben
vollend hinach wagen/vnd so viel es möglich ist/
guts mits dazu sein / wie vns Christus leret vnd
spricht von dieser bösen zeit/Luce am ein vnd zwen-
zigsten Capitel/Wenn yhr solchs sehet/das ange-
het/so sehet auff vnd richtet ewr heubt auff / denn
ewr erlösung kömpt vnd ist nahe.

Doch das ich das nicht vergesse/Wenn du vn-
ter dem Türcken bist vnd dienen mußt/wie gesagt
ist / so solt du solchen dienst nicht weiter verstehen
noch deuten / denn so fern es deinem haus herrn
nützet

nützet zu seinen gütern/Wenn er dich aber zwingen
wolt/widder die Christen zu streiten/da soltu nicht
gehorsam sein/sondern lieber alles leiden/was er
dir thun kan/ia viel lieber sterben/Denn du hörest
hie/das Daniel vom Türcken schreibt/Sein streit
sey widder die heiligen Gottes/die yhm nichts ge-
than haben / vnd vergeußt eitel vnschuldige blut /
Da mußt dich für hüten/das du dich des nicht teil
hafftig machest/Gleich wie du seinem lesterlichen
abgott vnd Mahometh nicht mußt zusallen/ob du
gleich vnter yhm dienen mußt/Bleib doch der fru-
me Naaman/ym dritten buch der Könige am funff-
ten Capitel / ynn seines herrn königes dienst / vnd
bettet auch mit yhm ynn seinem tempel/Aber den-
noch bettet er seinen abgott nicht an/Vnd die lieben
heiligen Merterer S. Moritz vnd seine gesellen/da
sie der Keiser hies widder die Christen streiten/wol-
ten sie es nicht thun/worffen die waffen weg vnd
sprachen/Wenn er wolt widder die Christen strei-
ten/dürfft er keine ander suchen/sie weren selbs da
als Christen leute/bereit zu leiden was er wolte.

Eben also soltu deinen dienst den Türcken auch
leisten / das du damit nicht widder die Christen /
noch widder Gott strebest / sondern allein seinem
haus vnd gütern zum besten helfest / Solchs wil
ich auch gesagt vnd geraten haben allen den iheni-
gen/so vnter vnserm Keiser/Bapst/Fürsten/leben/
das sie sich nicht gebrauchen lassen / widder das
Euangelion odder widder die Christen zu streiten/
odder sie zu verfolgen/Denn damit werden sie vn-
D ij schuldig

7 Mörder von der Türcke pflegt die kinder zu tödten

selbs rechnen/vnd seinen lohn von sich selber empfangen. Darumb halt ich das nicht für ein meisterstück/das der Türcke die Christen zu schrecken / yhre kindlin zu hewet / zu sticht / vnd auff die zaunstecken spießet / vnd was sonst nicht fort kan / alles erwidret vnd grausam handelt / Es ist mehr ein gros narrenstück / auch für der welt / Denn damit würde kein frum man sich schrecken lassen / das er sehe sein kind vnd weib zu hacken vñ zu spießen / sondern viel mehr zornig vnd bitter werden / vnd vollend hinan setzen vnd wagen strumpff vnd stil / vñ was da noch vbrig were / Vnd ob er tod were / würden odder sollten yhe die andern vbrigen desto bitterer vnd zorniger werden / auch alles vollend / an die teuffels gelieder zu wagen.

Aber für den Christen ist solche wütereij viel weniger schrecklich / Denn die wissen / das solche gespiessete vnd zu hackte elende kindlin vnd frume leute / eitel heiligen sind / Vnd das yhn der Türcke das hunderste teil nicht künde so viel guts thun / wenn er ein iglichs / auch zum Türckischen keiser selbs machte / als er damit thut / das er sie / aus des teuffels zorn / so grausam handelt / Denn er opffert sie damit Gott ynn den hymel / Vnd künde auch alle welt sich nicht so reichlich vnd herrlich an yhm rechnen / als er an sich selbs solche leute rechet / Denn er stößet sich selbs damit ynn abgrund der hellen / Ja sprichstu / Des lachet er vnd fragt nichts darnach / mit allen den setzten / Wolan / er sol auch lachen / dazu nicht werd sein / das ers glauben odder erkennen solle // Christus wird yhn das lachen bald vertreiben / vnd das

Den Christen ist es zu trost geschicklich

das alles wol lernen / Denn ich dis / wie gesagt / den Christen schreibe zu trost / vnd nicht den Türcken odder Türcks genossen zu lachen / Daniel hat yhm für vns allen gnug geschrieben / da er yhn einen feind vnd lesterer Gottes / zum hellischen feur verdampt / verkündigt / Wird Daniels schrift veracht / so ligt nichts dran / ob vnser schrift auch verlacht werde / Wir haben den text / der vns nicht leugt noch treugt / das Gottes heiligen sind / widder welche der Türcke streit / Sind heiligen Gottes / so fragt ein Christen nicht gros darnach / wie grausam der Türcke odder der teuffel mit den kindlin vnd Christen eusserlich am leibe vmbgehet / Es müssen doch Engel da sein / die auff yhre seele warten / vnd sie auff den heiden tragen vnd gen hymel bringen.

psal.
90.

mar.
16.

Denn es stehet geschrieben ynn dem neunzigsten psalm / Er hat seinen engeln befelß rber dir gethan / das sie dich auff den henden tragen / auff das du deinen fuß nicht an einen stein stoßest / So spricht auch Christus Matthei am achtzehenden / Ich sage euch warlich / das yhr engele sehen allezeit das angeicht meines Vaters ynn himel / Wir lesen ynn der könige bücher vom propheten Elisa / wie er ganze berge vol feurriger wagen vnd reuter vmb sich seinem diener zeigte widder die Syrier / So dazu mal so viel Engel vmb die stad waren zum leiblichen schutz / wie viel mehr / meinstu wol / das hie ynn solchem streit / die Engel da sind / empfangen vnd beschützen geistlich die seelen der Christen / odder wie Daniel sagt / der heiligen Gottes / Das aber die
D iij Chri

iiij. 23. vj.

schuldig blut auff sich laden/vnd nichts besser sein/
 denn die Türcken/Wan mus Gott mehr gehorsam
 sein/denn den menschen/So hat Gott keinem her-
 ren die oberkeit der massen gegeben/odder die leute
 vnterworffen/das er damit solle widder Gott vnd
 sein wort streben odder fechten/Vnd ist auch ynn
 solchem fall/kein vnterthan seiner oberkeit/ein har-
 breit/schuldig odder verwand/Ja es ist als denn
 schon kein oberkeit mehr/wo solchs geschicht/Son-
 dern die vnterthanen sind schuldig/der oberkeit leib-
 lich zum besten zu dienen/das fride auff erden er-
 halten werde/vnd bis leiblich leben müge deste sicher
 sein vnd wol stehen.

Aber Gott der Vater aller gnaden vnd weis-
 heit/wolle vns diese zeit gnediglich verkürtzen/vnd
 vns mit weisheit vnd stercke begaben vnd bereiten/
 das wir die weil weislich vnd manhafftig wan-
 deln/vnd der zukunfft vnsern lieben Herrn Ihesu
 Christi frölich warten/vnd von diesem iamertal se-
 liglich scheiden mügen/Dem sey lob vnd danck/ehre
 vnd preis ynn ewigkeit/AMEN.

Bedruckt zu Wittenberg durch
 Nickel Schirlentz / Anno
 M D XXIX.

Warum die Christen nicht allezeit werden beschützt

Christen nicht allezeit werden beschützt leiblich von den Engeln/wie ym alten testament/hab ich droben angezeigt/Das Christus wil vnd mus hie auff erden/leiden/schwach sein/vnd sich tödten lassen/auff das sein reich eilend gemehret vnd vol werde/Denn sein reich ist nicht leiblich auff erden/Darumb ist sein streit am sterckisten/wenn viel leiden da ist/vnd viel merterer werden/wie er S. Paulo antwortet ynn der andern Episteln zum Corinthern am zwölfften Capitel/Las dir benügen an meiner gütten/Denn meine krafft wird vollkommen ynn schwachheit.

Also thun ynn diesem sal die Christen auch/Lassen yhn benügen an der gnade/das sie Christen vnd Gottes heiligen sind/durch vnsern Herrn Christum/wie Daniel sagt/Vnd wenns nicht anders sein wil/lassen sie den Türcken ymer hin siegen/räumen vnd pochen/bleiben sie schwach vnd lassen sich martern/Denn sie sehen/das gleich wie bey yhrem sterben eitel Engel sind/die auff yhre seele warten/Also widerumb vns Türcken heer/eitel teuffel sind/die auff der Türcken seele warten/vnd sie ynn abgrund der hellen stoßen/Nicht das sie waffen vñ wehre von sich werffen/vnd sich also von den Türcken wehrlos ermorden lassen solten/wie die Mörder/ausser der kriegs hendeln gethan haben/vnd noch thun vnd thun sollen/Sondern weil die Christen mit leib vnd gut/Weltlicher oberkeit vnterworfen sind/Vnd sie alle/ein iglicher von seiner oberkeit zum streit wider den Türcken gefoddert vnd beruffen werden/sollen sie thun/als die trewen gehorsamen

Warum die Christen nicht allezeit werden beschützt

men vnterthanen(wie sie denn gewislich thun/so sie rechte Christen sind) vnd mit freunden/die faust regen vnd getrost drein schlagen/morden/rauben/vnd schaden thun/so viel sie ymer mügen/weil sie eine ader regen können/Denn solchs gebet yhn yhr weltliche oberkeit/welcher sie gehorsam vnd solchen dienst schuldig sind/Vnd Gott von yhn wil haben/bis yn den tod hinein/zum Römern am dreyzehenden/Titum am dritten Capitel.

Gleich wie vorzeiten die heiligen merterer(wie droben gesagt) gethan haben/Wenn sie vom Keiser etwa widder einen Tyrannen odder ander feinde gefoddert würden/worffen sie freylich nicht die waffen vnd wehre von sich/vnd lieffen sich ermorden/wie der Tyrann wolt/Denn damit betten sie yhrem Keiser nicht wol gedienet/ia viel schadens gethan/Sondern sie haben trewlich die faust geregt/vnd nach yhrs herrn gebot/frölich drein gestochen vnd gehawen/Als die freylich wol gewußt vnd gedacht haben/das sie auff das mal/nicht als Christen/sondern als diener vnd vnterthanen des Kaisers mit leib vnd gut/gefoddert waren/zu streiten/zu würgen/vnd den feinden schaden zu thun/Vnd welche darüber sind erschlagen/sind eitel heiligen worden/als die/nicht allein rechte Christen/sondern auch frume gehorsame trewe vnterthane/erfunden sind/Also sollen itzt die Christen auch thun/Denn der Türck ist ein feind vnd Tyrann/nicht allein widder Christum/sondern auch widder den Keiser vnd vnser oberkeit/Foddert sie nu die oberkeit/sollen sie ziehen

2. m. B.
Er. 11. B.
1. p. 7.


hen vnd drein schmeissen/wie gehorsame vntertan-
nen/Werden sie darüber erschlagen/Wolan/so sind
sie nicht allein Christen/sondern auch gehorsame
trewe vntertanen gewesen/die leib vnd gut ynn
Gottes gehorsam bey yhre oberherrn zugesetzt ha-
ben/Selig vnd heilig sind sie ewiglich/wie der fru-
me Dias.

Aber weil der Türcke gleichwol Gottes rute
vnd eine plage ist vber die sinde/beide der Christen
vnd vnchristen odder falschen Christen/so sol sich
solches trostes vnd trotzes/danon bis her gesagt/
nicht ein iglicher annehmen/Vnd tollkne daher fa-
ren/vñ sprechen/Ich bin ein Christ/Ich wil dran/
Sondern zuuor/sich bekeren vnd sein leben bessern/
vnd also mit furcht vnd ernstlichem gebet/zu solch-
em trost vnd trotz komen/Denn ich hab droben ge-
sagt/weil Dentsch land so vol bosheit vñ lesterung
ist/das zu hoch vber macht ist/vnd yn hymel schrey-
et/kans nicht anders werden/wo wir vns nicht bes-
sern vnd ablassen von verfolgung vnd lesterung des
Euangelij/wir müssen herhalten vnd eine staupe lei-
den.Wo es der Türcke nicht thut/so mus doch et-
was anders thun/Es were denn/das der iüngst tag
selbs kome/Es kome aber staupe odder iüngster tag/
Wer Christen ist/vnd sich gebessert hat/der kans er-
leiden vnd wird selig/Die andern müssen gestrafft
vnd verloren werden/Von diesem stücke/das man
sich bessern vnd beten solle/habe ich gnugsam ge-
schrieben ynn ihnem büchlin vom Türcken kriege/
das nicht not widerumb hie zu erholen.

Das

1 Das sey gnug vom ersten teil dieser predigt/
nemlich/die gewissen zu vnterrichten vnd trösten/
Nu wollen wir das ander für vns nemen/Auch die
faust zu vermanen/das ist/das man leib vnd gut
dran wagen vnd williglich dran strecken solle/Vnd
wo die oberkeit zu diesem streit/schatzung foddert/
das man die selbigen gebe/wie man schuldig ist/zun
Ädmern am dreyzehenden. Desselbigen gleichen/
wo sie die person odder leib foddert/sol man auch zu
lauffen/denn da hat Got gehorsam geboten/Denn
vnser Jungkern vom Adel/haben bis her gnug ge-
brasset/geschlemmet/gerennet/gestoltzirt/gebran-
get/mit alzu vberflüssiger kost vnd kleidung/das
durch sie/alles gelte aus Dentschem lande geschut-
vnd sich/on was der sunden wider Gott ist/an
leib vnd gut verderbet/Es ist zeit/das sie auch yhren
stand vnd ampt beweisen/vnd ein mal/mit ernst se-
hen lassen/das sie vom adel sind. Desselbigen glei-
chen auch die bürger vnd tauß leut/mit vbermessi-
gem schmuck vnd vnzelichem wucher vnd geitz/lan-
ge gnug yhre lust gebüßet/Waben sie so viel hun-
dert tausent gülden so lange verkleidet/verthan od-
der versamlet/sollen sie auch ein mal/eine busse da-
von geben/vmb yhrer hoffart willen/dazu sie bis
her/so guten stillen fride gehabt/vnd des misse-
brauchs.

Also auch der handwercks vnd baur man/ha-
ben so lange her mit vbersetzen/schinden/stelen vnd
rauben/neben andern grossen mutwillen vnd vnge-
horsam/eine redlich busse wol verdienet/sonderlich
sint der zeit das Euangelion an tag ist komen/da
durch



durch sie frey vnd reich geworden/von allen schin-
dern vnd bettlern erlöset/das sie meinen/sie dürfen
Gott nicht mehr geben/noch allen seinen dienern/
sondern allein zu sich scharren vnd reißen/auff dem
marckt durch vbersetzen/gleich als aus dem beutel/
stelen/Dazu sie bis her grossen fried gehabt/gesof-
fen/getantzt vnd gesungen haben ynn aller sicher-
heit/Wolan/was sie ersparet/gestolen vnd gesam-
let haben/was sie yhren Predigern vnd Pfarhern
entzogen/das sollen sie bruder Veiten den lands-
knechten zu samen bracht haben/vnd keinen danck
dazu haben/Die Fürsten sollens on alle barmhert-
zigkeit von yhn nemen/vnd kriegs volck damit hal-
ten/*Quod non tollit Christus/tollit fiscus*/So
sol es gehen/Dastu nicht wöllen einen gülden
geben zum frieden/Gotte zu liebe vnd dienst/so gib
nu zehen odder zwentzig/zum streit/Gotte zur straffe
vnd busse/Daben wir guts empfangen von dem
Herrn (spricht Diob) warumb wöllen wir das
böse auch nicht leiden?

Es hat ein iglichs thun seine zeit / Spricht
Salomon Ecclesiastes am ersten / Bis her ist fr-
dens zeit geweest/nu ist streitens zeit/Bis her/bras-
sens vnd brangens zeit/Nu aber sorgens vnd erbei-
tens zeit / Bis her/wucherns/stelens/scharrens
zeit/Nu aber ausgebens/bezalens/vnd aus stre-
uens zeit/Bis her/essens/trinckens/tantzens/freu-
den/lachens zeit/Nu aber traurens/schreckens/
fürchtens/weinens zeit/Bis her/ringens/schlaf-
fens/müßig gehens/sicher lebens zeit/Nu aber
wachens

roachens/vnrüge/schaffens/werens zeit/Daben
wir ihene gute zeit kund gerne haben/vnd dennoch
Gotte nichts dafür dancken noch erkennen/So laß
vns nu diese böse zeit auch dulden/vnd dran lernen/
für ihene gute zeit dancken/Ja Wenn Gott ymer
gute zeit gebe/vnd liesse vns drinnen mit aller bos-
heit vnd mutwillen die erden füllen bis an den hy-
mel hinan/vnd hies vns dazu lieben Junckern/das
möchten wir leiden/vnd sind also der guten tage
vnd fridens ynn aller büberey gewonet/Nu wills
vns saul thun/das auch böse zeit vñ vnfride kömpt/
Vnd wöllen scheel vnd saur sehen/schatzung zu ge-
ben odder selbes zu reifen/Ja man müßts vns be-
stellen/Warumb hastu zumor nicht gehorcht/da
man dir Gottes wort sagt/So höre nu den teuffel
ym Türcken/der du Gott nicht hören woltest ynn
Christo.

Sperrestu dich aber vnd wilt nicht geben noch
reifen/Wolan/so wird dichs der Türcke wol ler-
nen/Wenn er vns land kömpt/vnd thut dir wie er
itz vor Wien gethan hat/Nemlich/das er keine
schetzung noch reise von dir fordert/sondern steckt
dir hans vnd hoff an/nympt dir vihe vnd futter/
gellt vnd gut/sticht dich zu tod (wo dirs noch so gut
wird)sehendet odder würget dir dein weib vnd töch-
ter für deinen augen/zuhacket deine kinder vñ spießet
sie auff deine zaunstecken/Vnd must dazu/das das
ergeste ist/solchs alles leiden vnd sehen/mit bösem
verzagtem gewissen/als ein verdampfter vnchrist/
der Gott vnd seiner oberkeit vnghehorsam geweest ist/
oddere füret dich sampt yhn weg ynn die Türckey/
L ij verkuufft

*My 25. Jan 92
Türckisch
Junge*

verkauft dich daselbs wie einen hund/das du dein leben lang must umb ein stück brods vnd trunck was sers dienen ynn stettiger arbeit tag vnd nacht/mit ruten vnd knütteln getrieben/vnd dennoch keinen lohn noch danck verdienen/Und wo ein sturm sol geschehen/mustu der verloren hauffe sein/vnd alle arbeit ym heer thun/Über das kein Euangelion hören/Nichts von Christo vnd deiner seelen seligkeit lernen/Als denn würdestu gern von zwey kien eine zur schetzung geben/Gerne würdestu selbs die helffe deiner güter auch anbieten/gerne selbst vnter deinem Fürsten reisen/gerne einen Prediger selbs erneren/der dir ym iar vier mal predigte/vnd wird alles umb sonst sein/Sihe/das wiltu haben/darnach ringestu itzt/Denn der Türcke ist der man/der dich lernen wird/was du itzt für gute zeit hast/vnd wie iemerlich/vndanckbarlich/böslich/du sie widder Gott/seine diener/vnd deinen nehisten zubracht/verseumet vnd missgebraucht hast/Der Türcke weis den Adel zu mustern vnd zu demütigen/die bürger zu züchtigen vnd gehorsam zu machen/die bauru zu zemen vnd den mutwillen zu büßen/Darumb/dencke vnd sey frum/vnd bitte Gott/das der Türcke nicht dein schulmeister werde/das rat ich dir/Er hats vor Wien alzu grevolich beweiset/wie ein wüster vnseuer zuchtmeister er sey.

Ich wolt wünschen (wo vns vnser sünde für Got so viel witze vñ mut lieffen) das alle Dendschen so gesinnet weren/das sich kein flecklin noch dörrfflin plündern noch weg führen lieffen vom Türcken/
Sonn

Sondern wenns zu solchem ernst vnd not keme/das sich werete was sich weren kund/ung vnd alt/man vnd weib/knecht vnd magd/bis das sie alle erwürget würden/dazu selbs haus vnd hoff abbrenneten vnd alles verderbeten/das die Türcken nichts fänden/denn Junge kindlin/welche sie doch on das spießen vnd zu hacken/wenn sie vns lebendig weg führen/vnd wir den selbigen doch nicht helfen können/Und das solchs geschehe mit vorgehendem gebet zu Gott/darynn sie alles seiner gnaden befolhen/vnd als ym gehorsam der oberkeit/wie droben gesagt. Es were yhe besser/das man den Türcken ein leer land liesse/denn ein volles/Und wer weis/was solche thurst schaffen würde bey den Türcken/Werden wir weg gefurt/so haben wirs viel erger/denn so wir erwürget werden/wie droben gehört/Und ist grosse fahr/das wir ynn der Türckey vom Christlichen glauben/zum Türckischen glauben fallen würden/zum teuffel ynn die helle hinein.

*q. Mörbe v. Türckisch
haly auch gesung*

Schreiben doch die Römer selbs/von den Dendschen weiber/das sie vorzeiten eben so wol als die männer zu felde gezogen vnd gestritten haben/Und welche magd odder iungfraw nicht hat einen feind erwürget/hat zur straffe müssen iungfraw bleiben/So schreiben die neuen historien von den Türcken/da sie zu Lemno ynn Griechen land sind eingefallen/vnd den thorhüter erschochen/hat die tochter des thorhüters/da sie den vater tod gesehen/seine were genommen/vnd den Türcken ym thor/so lange geweret/bis die burger dazu komen sind/vnd

L ij die

die Türcken vertrieben haben/Thun doch die Türcken selbs auch also/das sie sich ehe vnd lieber erwürgen/weiß fangen/laffen/Vnd nemen keine gefangene widder an/ob sie gleich gerne widder heim wolten.

• Denn ich achte kein heuslin so geringe/wo man sich draus weren wolte/die feinde müsten har drüber lassen/Doch solchs alles wissen die kriegsleute besser denn ich/der ich mich auff solch gelegenheit vnd leuffte nichts verstehe/Sondern danon rede ich/weil es doch ynn solchem fall mus gewagt sein/Vnd keiner gnaden bey dem Türcken zu hoffen ist/wenn er vns weg füret/sondern alles vnglück/hon vnd spot leiden müssen leiblich/dazu ynn geistlicher ferlichkeit der seelen/des worts beraubt sein/vnd yhr ergerlich Mahometisch leben sehen müssen/so decht ich/es were das beste/Gott sich befelhen/Vnd aus gethaner pflicht vnd gehorsam der oberkeit/sich weren so lange vnd mit wasser weise/man ymer köndte/vnd sich nicht fangen lassen/sondern würgen/schießen vnd stechen ynn die Türcken/bis wir da legen/Denn das du vmb der iungen kindlin willen gedechtest/dein leben zu behalten/ist nichts/Weil du gehört hast/das die Türcken/solche kindlin/vnd was sie nicht mit führen mügen/alles erstecken/zu hacken vnd spießen/das du doch yhn wider helfen noch retten kanst/sondern allein grössern iamer vnd elend dran sehen must.

• Vnd ob sie gleich die kindlin mit dir weg füren/so darffestu nicht hoffen/das sie die selbigen lassen bey dir bleiben/da wird nicht aus/Man verkuufft ynn der Türckey die gefangene Christen/wie das

das rieche/vnd wie die sew/achtet nicht/Wer hie vater/mutter/kind odder weib sey/Da wird das weib dorthin/der man hieher verkaufft/Also gehets auch mit eltern vnd kindern zu/das keins bey dem andern gelassen wird/wie die kesser vnd verkesser wollen/Das doch allenthalben besser were/dahemen ym hause/sich weren vnd erwürgen lassen ynn Gottes willen vnd der oberkeit gehorsam/denn sich ynn solch ferlich/schendlich gefengnis geben. Das ist mein guter wunsch/Aber ich halt/es wil wol ein wunsch bleiben/Denn ich solchs sage/meinen lieben Christlichen Dentschen zu gut/so da gerne wollen vnterricht sein/Die andern bedürffen nichts/haben selbs gut dünnkel sack vnd fas vol/Aber wollen wir mit dem Türcken streiten vnd vns weren/so werden wir müssen andere vnd new gedanken fassen/vnd vns anders schicken vnd gewennen/beide mit hertz vnd hand/denn wir bisher gewohnet sind.

• Wiebey mus ich auch eine vermanung thun/vnd einen trost geben den Dentschen/so bereit ynn der Türckey gefangen sind/odder noch gefangen möchten werden/gleich dem exempel nach des heiligen propheten Jeremia/welcher auch einen brieff schreib gen Babylonien/vñ vermanet seine gefangene Jüden/das sie solten gedültig sein ym gefengnis vñ ym glauben feste bleiben/bis auff die zeit yhrer erlösfange/das sie sich nicht ergern solten an der Babylonier glauben vnd Gottes dienst/welcher gros war vnd treflichen schein hatte/das gar viel Jüden dahin fielen/wie ich denn höre vnd lese/das auch die Christen

Christen seer abfallen vnd des Türcken odder Mahomeths glauben williglich vnd vngewonnen an nemen/ vnd des grossen scheins willen/ den sie haben ynn yhrem glauben/ Darumb merck auff mein lieber bruder/ las dich warnen vnd vermanen/ das du ia ym rechten Christen glauben bleibest/ vnd deinen lieben Herrn vnd heiland Ihesum Christum/ der fur deine sünde gestorben ist/ nicht verleugnest noch vergessest.

So lerne nu/ weil du noch raum vnd stat hast/ die zehen gebot/ dein vater vnser/ den glauben/ vnd lerne sie wol/ sonderlich diesen artickel da wir sagen/ Vnd an Ihesum Christ seinen einigen Son vnsern Herrn/ der empfangen ist vom heiligen geist/ geboren von der iungfrauen Maria/ gelitten hat vnter Pontio Pilato/ gecrentzt/ gestorben vnd begraben/ Nidder gefaren zur hellen/ Am dritten tag auff erstanden von den todten/ auff gefaren gen hymel/ sitzend zur rechten Gottes des allmechtigen Vaters/ von dannen er komen wird zu richten die lebendigen vnd die todten &c. Denn an diesem artickel ligt/ von diesem artickel/ heissen wir Christen/ vnd sind auch auff den selbigen/ durchs Euangelion beruffen/ getaufft/ vnd ynn die Christenheit gezelet vnd angenommen/ vnd empfangen durch den selbigen/ den heiligen geist/ vnd vergebung der sünden/ dazu die aufferstehung von den todten vnd das ewige leben/ Denn dieser artickel macht vns zu Gottes kinder vnd Christus bruder/ das wir yhm ewiglich gleich vnd mit erben werden.

Vnd

Vnd durch diesen artickel wird vnser glaube gesondert/ von allen andern glauben auff erden/ Denn die Jüden haben des nicht/ Die Türcken vnd Sarracener auch nicht/ dazu kein Papiß noch falscher Christ/ noch kein ander vnglenbiger/ sondern allein die rechten Christen. Darumb/ wo du ynn die Türckey komest/ da du keine prediger noch bücher haben kanst/ da erzele bey dir selbst/ es sey ym bette odder ynn der erbeit/ es sey mit Worten odder gedanken/ dein Vater vnser/ den Glauben/ vnd die zehen gebot/ vnd wenn du auff diesen artickel kömpfst/ so drucke mit dem daumen auff einen finger odder gib dir sonst etwa ein zeichen mit der hand odder fuß/ auff das du diesen artickel/ dir wol einbildest vnd mercklich machest/ Vnd sonderlich/ wo du etwa wirst ein Türkisch ergernis sehen odder anfechtung haben/ Vnd bitte mit dem Vater vnser/ das dich Gott behüte für ergernis/ vnd behalte dich rein vnd feste ynn diesem artickel/ Denn an dem artickel/ ligt dein leben vnd seligkeit. Eben so vermanet S. Jeremias seine Jüden auch zu Babylonien/ wenn sie die gilden vnd sylbern götzen sehen würden/ sollten sie an yhren Gott zu Jerusalem gedanken/ vnd bey sich sprechen/ Herr dich allein sol man anbeten &c. Also thu hie auch/ Wo du bey den Türcken wirst etwa sehen/ einen grossen schein der heiligkeit/ so las dichs nicht bewegen/ sondern sprich/ Vnd wenn du ein Engel werest/ so bistu dennoch nicht Ihesus Christus/ Herr Ihesu an dich glaube ich alleine/ hilff mir &c.

Vnter andern ergernissen bey den Türcken/ ist
 S das

das wol das fürnemeste / Das yhre priester odder
geistlichen / solch ein ernst / dapffer / strenge leben für
ren / das man sie möcht für Engel vnd nicht für
menschen ansehen / das mit allen vnsern geistlichen
vnd mōnchen ym Bapstum ein schertz ist gegen sie /
Oftt werden sie auch entzücket / auch vber tisch bey
den leuten / das sie sitzen als weren sie tod / Thun
auch zu weilen grosse wunderzeichen dazu / Wen solt
nu solchs nicht ergern vñ bewegen ? Du aber / wenn
dir solche für komen / So wisse vnd gedencke / das sie
dennoch nichts von deinem artickel odder von dei-
nem Herrn Ihesu Christo wissen noch halten /
Darumb so mus es falsch sein / Denn der teuffel
kan auch ernst sein / saur sehen / viel fasten / falsche
wunder thun / vnd die seinen entzücken / Aber Ihesu
Christum mag er nicht leiden noch hören /
Darumb so wisse / das solche Türckische heiligen /
des teuffels heiligen sind / die durch yhre eigen grosse
wercke / wollen frum vnd selig werden / vnd andern
helffen / on vnd ausser dem einigen heilande Ihesu
Christo / vnd verführen also beide sich selbs vnd alle
andere / die diesen artickel von Ihesu Christo nicht
wissen odder nicht achten / allerdinge / wie vns vnser
Mōnche haben wöllen zum hymel helffen mit yhrer
eigen heiligkeit.

Zum andern / wirstu auch finden / das sie ynn
yhren kirchen oft zum gebet zu samten komen / vnd
mit solcher zucht / stille / vnd schönen eusserlichen ge-
berden / beten / das bey vns ynn vnsern kirchen / sol-
che zucht vnd stille auch nūrgent zu finden ist / Denn
da sind die weiber an sonderlichem ort / vnd so ver-
hüllet /

hüllet / das man keine kan ansehen / das auch vnser
gefangen brüder ynn der Türckey / klagen vber vnser
volck / das nicht auch ynn vnsern kirchen / so still / or-
denlich vnd geistlich sich zieret vnd stellet / Siche / das
möcht aber mal ein solchen gedanken geben ynn
dein hertz vnd sagen / Für war / So fein halten vnd
stellen sich die Christen nicht ynn yhren kirchen &c.
Da drücke aber mal mit dem daumen auff einen
finger / vnd dencke an Ihesum Christum / den sie ni-
cht haben noch achten / Denn las sich zieren / stellen /
geberden / wer do wil vnd wie er wil / gleubt er nicht
an Ihesu Christ / so bistu gewis / das Gott lieber
hat / Essen vnd trincken ym glauben / denn fasten on
glauben / lieber wenig ordenlich geberde ym glau-
ben / denn viel schöner geberd on glauben / lieber we-
nig gebet ym glauben / denn viel gebet on glauben /
Christus vrtheilet doch / ym Euangelio Luce am sie-
benden / das die arme sunderin frūmer were mit we-
nigen geberden / denn Simon der aussetzige mit al-
lem seinem geprenge / Vnd der arme sunder der Zöl-
ner / musste besser sein / on fasten vnd feyren / denn der
homütige Phariseer mit seinem fasten vnd aller heis-
ligkeit / Vnd sprach dazu widder die hübschen vn-
glenbigen phariseer alle / Wurn vnd Zölner werden
ehe gen hymel komen denn yhr.

Zum dritten / wirstu auch walsarten zu den
Türckischen heiligen daselbst finden / die doch nicht
ym Christen glauben / sondern ym Mahomets glau-
ben gestorben sind / wie sie bekennen vnd rhūmen /
Da geloben sich die Türcken hin / lauffen vnd ruffen
S ij sie

sie an/aller massen/wie wir zu vnsern Walsarten ge-
 lauffen sind/vnd vnser heiligen angeruffen haben/
 Es wird auch vielen geholffen/vnd geschehen viel
 grosser zeichen/gleich wie bey vns auch geschehen
 ist/Von solchen falschen wunderzeichen/haben wir
 oft vnd viel geschrieben/die bey vns/von den heili-
 gen (als wir gemeinet) vnd bey den Walsarten ge-
 schehen/das auch etliche todten auferweckt/blin-
 den sehend/lamen gehend/worden sind/vnd der
 gleichen/wie denn Christus/verkündigt hat Mat-
 thei am vier vnd zwentzigsten/das die falsche Chri-
 sti vnd falsche propheten solche wunder thun solten/
 das auch die auferweleten möchten verführet wer-
 den/Des gleichen S. Paulus ynn der andern Epi-
 steln zum Thessalonicern am vierden/auch verkün-
 digt/Denn das ist dem teuffel ein geringes/einen
 menschen zu plagen/das er vnd yederman nicht an-
 ders wehnet/denn er sey blind/lam/tod/Darnach/
 wenn er damit hat seine abgötterey angericht/vnd
 die leute von Christo/etwa zum heiligen (das ist sich
 selbs) anzuruffen getrieben/als denn ablasse zu pla-
 gen/das der mensch glenbe/Sein heilige habe yhm
 geholffen/Er kan auch wol so viel kunst/das er zu
 weilen rechte krankheit vertreiben vnd rechte sehe-
 den heilen kan/Denn er ist ein Doctor vber alle doc-
 tor ynn der ertzney/dazu ein Fürst der weilt/Sihe/
 was wunder thut er bey vnd durch seine zeuberer/
 wie seltsam er yhn hilfft/vnbegreifliche ding zu
 thun.

Was thet er dem heiligen Man Iob/welch
 ein wetter vnd donner macht er ynn der lufft/vnd
 ver-

verbrand yhm alle sein gut/vnd tödtet yhm seine
 kinder/dazu schlug er yhm seinen eigen leib/mit
 gewulichen bösen blatern vnd schweren/Sihe/wie
 er vnsern Herrn Christum selbs ynn den lufften für-
 rete auff den tempel/vnd vom tempel auff den ho-
 hen berg (als were er sein Gott) vnd zeiget yhm alle
 reiche auff erden/ynn einem augenblick/Kan er nu
 wetter machen/blatern schaffen/ynn lufften für-
 ren/vnd also mit den heiligen spielen/dazu mit Chri-
 sto selbs/was solt er nicht vermögen mit seinen got-
 losen vnd vnchristen? Darumb sey gewarnet/
 Wenn du ynn der Türckey zeichen sehen odder hö-
 ren würdest/das du gedencktest bey dir selbs/vnd
 sprechest/Vnd wenn du alle todten auff wecktest/
 vnd alle zeichen thettest/weil du da neben Ihesum
 Christum verleugnest vnd lesterst odder nicht ken-
 nen wilt/so glenbe dir der teuffel an meiner stat/ich
 wil lieber on zeichen vnd wunder bey meinem schwa-
 chen Christo bleiben/denn zu dir starcken vnd mech-
 tigen wundertheter fallen,

Vnd ist zwar ynn der Türckey das vortell/das
 man solche falsche wunder leichtlich kennen vnd
 sich dafür hüten kan/weil die selbigen nicht ynn
 Christus namen geschehen/sondern widder Chri-
 stus namen/ynn des Mahomets namen/Denn wie
 gesagt/Sie halten nichts von Christo/spotten vnd
 lestern viel mehr die Christen mit dem namen Chri-
 sti/als mit eines vntüchtigen heiligen namen/der
 die seinen verlest vnd yhn nicht hilfft widder den
 Mahometh/Aber bey vns vnter dem Papstum/
 G sind

sind solche falsche zeichen viel fertlicher/ vnd schwerer zu erkennen/ weil sie bey vns/ als bey den Christen/ vnd vnter dem namen Christi/ als von seinen Christlichen heiligen/ geschehen/ Da hat er sein recht teuffels spiel/ vnter dem namen Christi/ die leute von Christo zu führen auff's aller geschwindest vnd behendest/ wie Christus spricht/ das solche falsche Christi/ möchten auch die aufferweleten verführen.

Der Tücher
 Zum vierden/ wirstu sehen/ bey den Türcken/ nach dem eusserlichen wandel/ ein dapffer/ strenge/ vnd ehrbarlich wesen. Sie trincken nicht wein/ sauffen vnd fressen nicht so/ wie wir thun/ kleiden sich nicht so leichtfertiglich vnd frölich/ bawen nicht so prechtig/ brangen auch nicht so/ schweren vnd fluchen nicht so/ haben grossen trefflichen gehorsam/ zucht vnd ehre gegen yhren Keiser vnd herrn/ Vnd haben yhr regiment/ eusserlich gefasset vnd ym schwanck/ wie wirs gerne haben wolten ynn Deuschlichen landen/ Vnd wie wol yhr gesetzte zu lest/ das einer mag zwelff ehe weiber haben/ vnd dazu Wedde odder beyschlefferin/ wie viel er wil/ vnd dennoch aller kinder gleich erben sind/ So halten sie doch solche weyber alle ynn grossen zwang vnd gehorsam/ das auch der man für den leuten selten mit seiner weib einem redet odder leichtfertiglich bey yhr sitzt odder schertzt/ Denn ob wol der man yhm solche weiber lest vertrauen durch die priester/ so behest er doch das recht vnd die macht/ von sich zu lassen welche er wil/ nach dem sie verdienet odder er sie lieb hat odder gram wird/ Die mit zwingen sie yhre

yhre weiber gewaltiglich/ Vnd wie wol solche ehe/ nicht ein ehe für Gott/ sondern mehr ein schein ist/ denn eine ehe/ noch halten sie damit yhre weiber ynn solchem zwang vnd schönen geberden/ das bey yhn nicht solch/ fürwitz/ vppikeit/ leichtfertigkeit/ vnd ander vberflüssiger/ schmuck/ kost vnd bracht vnter den weibern ist/ als bey vns.

Man 24
 Tu ist solcher schein auch wol so ein gross ergebnis eym vnberichten vnd schwachen Christen als kein gülden bilde zu Babylon den Jüden gewesen ist/ vnd kein kartheuser kloster bey vns ist/ weil bey vns kein orden so heilig ist/ der nicht wein trincke/ Vnd kein weib noch Jungfraw der massen ym zaum leben mus. Darumb sihe dich für/ vnd drücke aber mal den finger mit dem daumen/ Denn du findest auch ynn diesem stücke deinen Christum nicht/ Was hilfft denn solch schön ding/ so es auffer vnd widder Christum ist? Da magst du wol sagen/ das sprich wort/ Es ist schön böse/ Aber bey vns ist/ Aber feste/ Denn es ist ia besser ynn Christo messig wein trincken/ vnd frölich sein/ Denn auffer Christo/ solch trefflich saur ding für geben/ das widder Propheten noch Apostel/ noch Christus selbs hat für gegeben/ Denn Christus ass vnd tranck/ beyde mit man vnd weibern/ beyde mit Pharisceern vnd Jödnern/ Aber die Türcken müßens höher vnd besser machen/ denn Gott vnd sein eigen Son selbs machen/ welchen sie doch die weil lestern vnd verfolgen/ wie vnser geistlichen vnd Gleissner bey vns auch thun/
 G ij So

Rom. 14.

So wisse nu / das Christus reich siehet nicht ynn
essen odder trincken / auch nicht ynn eusserlichen ge-
berden / sondern ynn glauben des hertzen / Luce am
siebenzehenden 2c. vnd las dich solch gleissen nichts
anfechten.

Aber diese ergernis / schlegt nu das grosse glück
zu / das die Türcken so mechtig worden sind / so viel
sieg haben / die Christen (wie sie meinen) so oft dar
nidder gelegt haben / vnd bisher / so trefflich zu ge-
nommen / das es keine vernunft anders deuten mag /
denn das yhr heiligkeit solchs verdiene / vnd yhr
glaube vnd wesen Gotte so wol gefalle / Darüber sie
so starrig / hart vnd verstockt werden / das man mei-
net / es sey vnmüglich einen Türcken zu bekeren /
Widderumb halten sie / das kein erger volck sey / denn
die Christen / vnd kein schendlicher glaube / denn der
Christliche glaube / Vnd fallen daher ynn solchen
vberschwenglichen hohmut zu lestern vnd zu schen-
den Christum vnd seine Christen / das sie vnter-
inander rhümen / spotten vnd sagen / Die Christen
sind Weiber / Aber die Türcken sind yhre Männer /
als weren sie allein eitel Welden vnd Aisen / Vnd wir
Christen eitel weiber vnd memmen / Wissen aber
nicht / wie saur es wird mit yhn ausgehen / Die stol-
tzen Babylonier / waren auch männer / vnd die Jü-
den musten weiber sein / Aber die selbigen weiber /
blieben zu letzt beide man vnd herr / da die Babylo-
nier widder haut noch har behielten.

Sihe vnter diesem heiligen schein der Türcken /
ligen verborgen / ia vnerborgen / so viel vngeworren
schrecklicher gewel / nemlich / das sie Christum
nicht

nicht allein leugnen / sondern auch lestern vnd schen-
den / mit sey in blut / sterben / auferstehen vnd mit als-
lein gut / das er der welt gethan hat / vnd setzen yhs
ren Mahometh vber yhn / damit sie auch Gott den
Vater lestern / vnd den teuffel an Gottes stat ehren /
Darnach auch solch bluthunde sind / so greulich
viel blut vergiesen vnd mord begeben / ynn so viel
lenden / als nie auff erden gehöret ist / Dazu solch
Welsch vnd Sodanisch vnkeuscheit treiben / das
nicht zu sagen ist für züchtigen leuten / on was das
ist / das sie die ehe so gar nichts achten / Sind dazu
die aller grösssten reuber vnd verderber aller land
vnd leute / Vnd wer wil alle solche gewel erzeien /
der sie doch keine für sinde halten / sondern alles für
eitel tugent / Das heisst blindheit vber alle blind-
heit / Vnd wird solchs alles mit dem eusserlichen
schein (wie gesagt) also geschmückt / das viel Chris-
ten abfallen vnd zu yhrem glauben / vnd zu solchem
greulichem heilichem schönen teuffel / williglich
sich geben / Vnd zwar / wo solche falsche heiligkeit
ist / da müssen alle laster auff eym hauffen sein / wie
wir wol sehen an vnsern geistlichen / das yhr lestern
hohmut / mord / geitz / vnzucht vnd aller laster kein
mas ist.

Sie trösten sich aber mit diesem spruch / Ey
meinstu das Gott so viel leute / so lange solt yren
vnd verdamnen lassen / wie sich vnser Lendeckrist
auch tröstet / Welcher spruch odder gedanken / auch
wol kan einen bawfelligen Christen stossen / vnd ei-
nen halstarrigen buben stercken / gleich wie sich die
Juden vorzeiten / auch damit setzten widder die heis-

G iij ligen

ligen Propheten / vnd sprachen / Ey Gott ist nicht so zornig / Er wird nicht so vbel thun / wie Micheas schreibt vnd die anderen / Aber man mus diesen spruch vnd gedanken aus den augen thun / vnd von Gottes werck odder vrtail / nicht richten / nach menschen werck odder vrtail / Denn es ligt nicht dran / ob viel odder wenig menschen / glauben odder nicht glauben / verdampft odder selig werden / Sondern da ligt an / Was Gott gebotten odder verbotten hat / Was sein wort odder nicht sein wort sey / Da sol man auff sehen vnd nach dencken / vnd die gantze welt nicht achten / ob sie gleich allzu mal zum teuffel füren / Denn Gott vnd sein wort bleiben / ob gleich hymel vnd erden vergehen / Darumb haltt fest / haltt fest / sage ich / an deinem Christo / das du für solchen pfeilen vnd stürmen des teuffels / sicher sein / vnd ein Christ bleiben mügest / so wirstu selig / Das Türcken vnd alle gottlosen / wenn sie nicht anders wollen / zum teuffel faren.

Das sey von der vermanung an die gefangene / auff das sie ym glauben feste bleiben / widder alle ergernis vnd anfechtungen / Nu wollen wir sie auch trösten / das sie gedültig sein sollen ynn yhrem gefengnis / vnd alle yhr elende / vmb Gottes willen williglich leiden vnd tragen. So mercke nu / Wo es Gott verhenget / das du vom Türcken gefangen / weggeführt / vnd verkauft wirst / das du must yhres willens leben vnd ein knecht sein / So dencke / das du solch elende vnd dienst / von Gott zu geschickt / gebildig vnd willig an nimest / vnd vmb Gottes willen

willen leidest / vnd auff aller trewlichst vnd vleissigst deinem herrn (dem du verkauft wirst) dienst / vnangesehen / das du ein Christ vnd dein herr ein heide odder Türke ist / darumb er nicht werd solte sein / das du sein knecht sein soltest / Vnd bey leib lauffe nicht weg (wie etliche thun) vnd meinen / sie thun recht vnd wol dran / Etliche auch sich selbs ersuffen odder sonst erwürgen / Nicht / Nicht so / lieber bruder / Du must dencken / das du deine freyheit verloren hast / vnd eigen worden bist / daraus du dich selbs / on willen vnd wissen deines herrn / nicht on sünde vnd vnghehorsam / wirken kanst / Denn du raubest vnd stiebst damit deinem herrn / deinen leib / welchen er gekauft hat odder sonst zu sich bracht / das er fort hin / nicht dein / sondern sein gut ist / wie ein viche / odder ander seine habe.

Denn hie ist zeit / zu gehorchen vnd zu halten / die sprüche S. Petri vnd Pauli / da sie leren / das die knechte odder leibeigen / sollen yhren leiblichen herrn gehorsam / trew / demütig / chrsam vnd vleissig sein / nicht anders / denn als dieneteten sie Christo dem Herrn selbs / ob gleich die herrn vnchristen odder böse sein / wie du lesen magst ynn der ersten Episteln zum Corinthern am siebenden / Ephesiern am sechsten / Vnd zum Colossern am dritten Cap. Yhr knechte seid gehorsam ynn allen dingen ewren leiblichen hern / nicht mit dienst für augen / als den menschen zu gefallen / sondern mit einfeltigkeit des hertzen / vnd mit Gottes furcht. 2c. Auch ynn der ersten Episteln Sanct Petri am Andern Capittel.

Denn

Denn wo du sonst ein rechter Christ bist/schadet dir solcher dienst vnd elend nicht/Ja wo du sein kanst Christlich vnd gedultig brauchen/ist dirs gut vnd nütz zur seligkeit/als dein creutz/darynn dein glaube geübet vnd beweret wird/Bedencke an die exempel aller heiligen/Sihe/wie der Ertzuater Jacob / dem schalckhafftigen argen Laban seinem schweher dienet vmb Rachel/vnd hielt yhm seinen dienst trewlich aus/Genesis am dreyssigsten Capitel/Vnd darnach sein son Joseph/wie der selbige seinem vater gestolen vnd verkaufft von seinen eigen brüdern/ynn Egypten seinem heidnischen herrn so trewlich dienet/vnd drüber ynn Kercker kam/Aber zu letzt herrlich heraus kam/vnd ein herr des landes ward/Genesis am acht vnd dreyssigsten Capitel/Item wie einen schweren dienst das gantz volck Israel musse thun lange zeit dem Könige Pharaon ynn Egypten/Exodi am ersten Capitel/Vnd lieff doch keiner aus seinem dienst/wie vnschlachtig odder heidnisch vnd böse yhre herrn waren.

Item hernach/war das nicht ein schwerer dienst/da das Königreich Israel/gen Assyrien/vnd hernach/das Königreich Juda gen Babylonien geführt ward/da musten/König/Königin/Fürsten/Priester/Propheeten/vnd viel heiliger leute/denn du bist/dienen/vnd knechte sein/wie Daniel vnd seine gesellen (Danielis am ersten Capitel) vnter dem grawsamem Könige/da sie viel ferligkeit leibs vnd seelen/teglich warten vnd auch dulden musten/mit aller schmach vnd spott/wie der hundert sieben vnd dreyssigst

dreyssigste Psalin wol anzeiget / Super flumina Babylonis &c. Da sind freylich auch vngedultige Jüden gewesen/die geheulet/geklagt/geflucht vnd gemurret haben/etliche dazu vom Judenthum gefallen vnd heiden worden sind/Aber es musse gleich wol sein/Die frommen hatten gedult/lieffen nicht weg/sondern dieneten mit aller trew vnd vleis/wie Daniel vnd seine gesellen/vnd blieben ym rechten glauben / Darumb wurden sie auch erhöhet vnd von Gott gnediglich vnd wunderlich erlöset.

Vnd das wir zum newen Testament komen/Must nicht Christus/die Jüden vnd den heiden Pilaton vnd Heroden mit sich machen lassen/was sie wolten? Musse nicht Paulus gefangen sein/vnd fast alle Apostel/etlich ynn das elend verstoßen vnd verbannet/als S. Johannes ynn pathmos/Vnd hernach viel heiliger Werterer aus Rom vnd andern stedten/von haus vnd hoff/von weib vnd kind/ynn ferne wüste Insulen vertrieben/vnd da selbst ynn stein brüchen vnd ander schwere arbeit/wie die esel/erbeiten/Warumb woltestu es besser haben/denn dein Herr Christus selbst/mit allen seinen heiligen ym alten vnd newen testament? Der iünger solt nicht besser haben/denn sein meister (spricht Christus) Denn ist er rechtschaffen/wenn es yhm gehet/wie seinem meister/Luce am sechsten.

Mit vnwillen vnd vngedult thust du nicht mehr/denn das du deinen herrn/des knecht du worden bist/ergerst vnd deste böser machest/Schendest du dazu

